

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-19-21610/23
Tuzla, 20.06.2023. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 20.06.2023. godine, d o n o s i

ZAKLJUČAK

I

Prihvata se Mišljenje Ministarstva prostornog uređenja i zaštite okolice o inicijativi Građanskog pokreta “Buđenje” Tuzla za izmjene i dopune Zakona o proglašenju dijela područja planine Konjuh zaštićenim pejzažom „Konjuh“ broj: 12/1-19-033579/22 od 16.06.2023. godine.

II

Zadužuje se Ministarstvo prostornog uređenja i zaštite okolice da poduzme radnje i aktivnosti u pravcu poboljšanja i veće kontrole područja Zaštićenog pejzaža „Konjuh“, shodno Mišljenju iz tačke I ovog Zaključka.

III

Mišljenje iz tačke I ovog Zaključka uputiti će se Skupštini Tuzlanskog kantona.

DOSTAVITI:

- 1 x Skupštini Tuzlanskog kantona
- 1 x Ministarstvu prostornog uređenja
i zaštite okolice
- 1 x Evidenciji
- 1 x a/a



PREMIJER KANTONA

Irfan Halilagić



Broj: 12/1-19-033579/22
Datum: 16.06.2023. godine

VLADA TUZLANSKOG KANTONA

PREDMET: Mišljenje o predloženoj inicijativi za izmjene i dopune Zakona o proglašenju dijela područja planine Konjuh zaštićenim pejzažom "Konjuh"- dostavlja se

Ministarstvo prostornog uređenja i zaštite okolice je postupajući po inicijativi Građanskog pokreta "Buđenje" Tuzla, za izmjene i dopune Zakona o proglašenju dijela područja planine Konjuh Zaštićenim pejzažom "Konjuh" na način da se, između ostalog, umjesto zabrane sječe šume izuzev u skladu sa šumsko privrednom osnovom u zoni B, zabrani sječa šume, osim sanitarne sječe, izvršilo konsultacije sa Ministarstvom poljoprivrede, šumarstva i vodoprivrede, JU Zaštišeni pejzaž "Konjuh", JP "Šume Tuzlanskog kantona", predstavnicima lokalnih zajednica na čijoj teritoriji se nalazi Zaštićeni pejzaž i drugim subjektima.

Povodom ove inicijative održan je sastanak u organizaciji Premijera Tuzlanskog kantona sa predstavnicima Ministarstva prostornog uređenja i zaštite okolice, Ministarstva poljoprivrede, šumarstva i vodoprivrede, JU Zaštišeni pejzaž "Konjuh" i JP "Šume Tuzlanskog kantona", a na kojem sastanku su izneseni stavovi i mišljenja o predloženoj inicijativi. Na sastanku je zaključeno da se učesnici pismeno izjasne i obrazlože svoje stavove o predloženoj inicijativi.

Javno preduzeće "Šume Tuzlanskog kantona" u svom izjašnjenju na inicijativu za izmjenu zakona, između ostalog navodi da bi, ukoliko inicijativa bude prihvaćena, godišnji prihod ovog Preduzeća bio manji za oko 4.500.000,00 KM, a preko 300 radnika Preduzeća bi ostalo bez posla, obaveze na uzgoju i zaštiti šuma bi ostale iste, a godišnji obim sječe bi bio manji, što bi pored posljedica za ovo Preduzeće imalo negativan efekat i na drvnu industriju Tuzlanskog kantona. JP "Šume Tuzlanskog kantona" pozvalo je da se odbaci inicijativa za izmjenu Zakona jer bi potencijalno usvajanje inicijative imalo nesagledive posljedice po privredu i stanovništvo Kantona.

Javna ustanova zaštićeni pejzaž "Konjuh" navodi da i pored želje za predloženim većim stepenom zaštite, nije spremna za takav vid zaštite, zbog nedostatka kadrovskih i finansijskih mogućnosti, zbog kojih ne može raditi sanitarnu zaštitu, protivpožarnu zaštitu, lovnu zaštitu i svaku drugu zaštitu koja se odnosi na veći stepen zaštite prostora. Da bi ove uslove Javna ustanova ispunila potrebno je zapošljavanje nedostajućih kadrova, omogućenje rada u tri smjene, investiranje u infrastrukturu i opremu koja bi omogućila bolji vid zaštite kroz video kamere, terenska vozila, opremu za zaštitu od požara, povećanje budžetskih sredstava za redovan rad Ustanove i izmjenu Zakona o proglašenju dijela planine Konjuh zaštićenim pejzažom, kojim bi se davale veće ovlasti Ustanovi.

Općinsko vijeće Kladanj donijelo je Zaključak kojim izražava zabrinutost zbog inicijative za izmjenu Zakona, te se protivi izmjeni Zakona jer je navedena inicijativa, kako navode, išla ciljano kako bi zaobišla općinu Kladanj. Dalje navode da će Općinsko vijeće Kladanj i Načelnik u slučaju bilo kakvih izmjena Zakona bez saglasnosti lokalne zajednice pokrenuti inicijativu za preispitivanje ustavnosti Zakona o proglašenju dijela područja planine Konjuh zaštićenim pejzažom "Konjuh".

Ministarstvo poljoprivrede, šumarstva i vodoprivrede u svom izjašnjenju navodi da odredbe Zakona o šumama moraju biti uvažene kod donošenja drugih propisa kojima se uređuju pitanja šuma i šumskog zemljišta. Procjena funkcija šuma u šumama sa posebnom namjenom

mora se vršiti isključivo u skladu sa šumarskom strukom i praksom, u skladu sa stručnim šumarskim elaboratom, podacima, principima i metodama gospodarenja šumama u cilju očuvanja šuma. Ministarstvo poljoprivrede, šumarstva i vodoprivrede takođe napominje da bi donošenje propisa suprotno odredbama Zakona o šumama dovelo u pitanje održivo gospodarenje šumama na principu potrajnosti proizvodnje i prihoda uz očuvanje i poboljšanje diverziteta i ostalih opštekorisnih funkcija šuma u skladu sa Zakonom. Dovele bi se u pitanje površine koje su svrstane u šume visokog rizika od požara i koje kao takve moraju imati poseban tretman u gospodarenju. Poštovanje principa polivalentnosti funkcija šuma nije moguće obezbijediti bez gospodarenja u skladu sa šumsko-privrednom osnovom i drugim aktima koji regulišu ovu oblast i koji jedini mogu obezbijediti očuvanje svih vrijednosti šumskog ekosistema.

Zakonom o proglašenju dijela područja planine Konjuh zaštićenim pejzažom "Konjuh" ("Službene novine Tuzlanskog kantona", broj: 13/09 od 07.12.2009. godine), proglašen je zaštićenim dio planine Konjuh, utvrđene su granice Zaštićenog pejzaža, mjere zaštite, korištenje i upravljanje idr. Zavisno od stepena zaštite, u okviru granica Zaštićenog pejzaža utvrđene su tri zaštićene zone: 1) prva zaštićena zona (zona A) predstavlja prostor najviših vrijednosti koje moraju ostati u potpunosti očuvane; 2) druga zaštićena zona (zona B) u kojoj se zaštita ostvaruje očuvanjem izvornog stanja prirode i 3) treća zaštićena zona (zona C) namijenjena je prvenstveno za rekreaciju, sport, naučno nastavni rad i turizam.

Ovim Zakonom utvrđeno je da ukupna površina Zaštićenog pejzaža iznosi 8.016,61 ha, a od toga površina zone A iznosi 2.411,42 ha, površina zone B iznosi 5.093,70 ha i površina zone C iznosi 511,49 ha.

Zakonom o izmjenama i dopunama Zakona o proglašenju dijela područja planine Konjuh zaštićenim pejzažom "Konjuh" iz 2014. godine i 2017. godine, povećana je ukupna površina Zaštićenog pejzaža te iznosi 8.645,34 ha, površina zone A iznosi 3.108,95 ha, površina zone B iznosi 4.985,63 ha i površina zone C iznosi 527,73 ha.

Zakonom o osnivanju Javne ustanove Zaštićeni pejzaž "Konjuh" ("Službene novine Tuzlanskog kantona", broj: 6/11 od 30.04.2011. godine) osnovana je Javna ustanova čija djelatnost je upravljanje Zaštićenim pejzažom, zaštita, održavanje i promocija Zaštićenog pejzaža i eliminiranje i sprečavanje korištenja zemljišta i aktivnosti koje nisu u skladu sa ciljevima upravljanja.

Na osnovu stavova i mišljenja svih uključenih subjekata zaključuje se:

- Prevažhodno je potrebno obezbijediti potpunu zaštitu svih prirodnih i drugih vrijednosti u obuhvatu Zaštićenog pejzaža, koja se nastoji postići predviđenim mjerama iz mišljenja;
- Gospodarenje šumama u obuhvatu Zaštićenog pejzaža Konjuh i van obuhvata u državnim šumama mora da funkcioniše na principima održivog gospodarenja šumama, uz poštivanje međunarodnih normi u upravljanju, korištenju i nadzoru nad šumama;
- Usvajanje predložene inicijative moglo bi ugroziti poslovanje, stabilnost i održivost J.P. "Šume TK-a";
- Usvajanje predložene inicijative moglo bi imati značajne negativne posljedice na drvoprerađivačku industriju kao jednu od značajnih grana privrede Kantona;
- Najveći dio zaštićenog pejzaža je na području općine Kladanj, a Općinsko vijeće Kladanj se izričito protivi izmjeni i dopuni Zakona, navodeći da bi usvajanjem izmjena i dopuna bila ugrožena radna mjesta u ŠG "Konjuh" Kladanj (trenutno 252 radnika) kao i radna mjesta zaposlenih u grani industrije primarne i finalne prerade drveta;
- Utvrđenje potpune zabrane sječe, odnosno proglašenje zone B u zonu A dovelo bi do znatnog povećanja troškova JU Zaštićeni pejzaž "Konjuh" čije obezbjeđenje bi bilo neizvjesno, dok bi, sa druge strane, bila znatno narušena projekcija postizanja samoodrživosti

kako je to bilo planirano Elaboratom o ekonomsko-finansijskoj opravdanosti ulaganja u projekat proglašenja dijela područja planine Konjuh zaštićenim pejzažom sa elementima ekonomske samoodrživosti.


Imajući u vidu navedeno, Ministarstvo prostornog uređenja i zaštite okolice će kao jednu od hitnih mjera u pravcu poboljšanja i veće kontrole područja Zaštićenog pejzaža, odobriti dodatno zapošljavanje dva zaposlenika, od kojih će jedan biti stručno lice za zaštitu, očuvanje i promociju vrijednosti Zaštićenog pejzaža šumarske ili ekološke struke, te će odobriti sredstva za postavljanje rampe na ulazu u Zaštićeni pejzaž sa područja općine Kladanj i nabavku opreme za video nadzor sa mogućnošću pohranjivanja snimaka na izlaznim punktovima iz Zaštićenog pejzaža, putem kojeg bi se neprekidno kontrolisao izvoz drvne mase.

Ministarstvo prostornog uređenja i zaštite okolice će u narednom periodu pratiti realizaciju i efekat predviđenih mjera iz ovog mišljenja, te ukoliko se pokaže potrebnim razmotriti mogućnost izmjena i dopuna Zakona o proglašenju dijela područja planine Konjuh zaštićenim pejzažom "Konjuh".

S poštovanjem,

Dostaviti:

1. Naslovu
2. Arhivi i
3. Evidenciji





Broj: 02-02-663-2 /22
Tuzla, 15.12.2022. godine

TUZLANSKI KANTON
Ministarstvu prostornog uređenja i zaštite okolice
- n/r ministrice -

Predmet: Mišljenje, traži se


Skupštini Tuzlanskog kantona su predstavnici GP "Buđenje" Tuzla podnijeli inicijativu za izmene i dopune Zakona o proglašenju dijela planine Konjuh zaštićenim pejzažom s ciljem zaštite prirodne raznolikosti i očuvanja ekosistema planine Konjuh.

Na osnovu člana 121. Poslovnika Skupštine Tuzlanskog kantona, molimo da nam dostavite mišljenje o inicijativi koju dostavljamo u prilogu.

S poštovanjem,

Prilog: Inicijativa broj: 02-02-663-1/22 od 14.12.2022. godine

Dostavljeno:
1x Naslovu
1x Vladi TK
1x Evidenciji
1x Arhivi



Predsjednik Skupštine

Žarko Vujović

Buđenje Tuzla
Plaza mahala br. 57 75000 Tuzla
kontakt e-mail: kartonrevolucija@gmail.com
kontakt telefon: 061/678-447; 061/944-339
IB broj: 4210232130007
Ibro račun broj: 1321 0020 2309 9035 NLB Banka Tuzla



**KARTON
REVOLUCIJA**
BUĐENJE NOVE GENERACIJE

OPŠTINA TUZLANSKOG KANTONA
T U Z L A

Tuzla, 13.12.2022. godine

Broj: 72/22

PRIMLJENO:		14.12.2022	
Org.jed.	Klasif.oznaka	Redni broj	Br. priloga
02	02	663-1/22	3

DOSTAVLJA SE: Skupština Tuzlanskog kantona

Poslanici u Skupštini Tuzlanskog kantona

Predsjednik i dopredsjedavajući Skupštine Tuzlanskog kantona

Premijer Vlade Tuzlanskog kantona

Ministarstvo prostornog uređenja i zaštite okolice Tuzlanskog kantona

PREDMET: Zahtjev za izmjene i dopune Zakona o proglašenju dijela planine Konjuh
Zaštićenim pejzažom

Poštovani,

Ovim putem Vam se obraćamo ispred Građanskog poketa „Buđenje“ kao i građana Tuzlanskog kantona (u prilogu dokumenta potpisi građana) sa zahtjevom za poketanje inicijative za izmjene i dopune Zakona o proglašenju dijela planine Konjuh Zaštićenim pejzažom „Konjuh“.

Inicijativu dostavljamo u skladu sa članovima 68. i 86. Ustava Tuzlanskog kantona. Pored inicijative u prilogu vam dostavljamo potpisane građanske inicijative sa zakonskom osnovom u sklopu kojih su građani Banovića, Živinica i Tuzle dali masovnu podršku prijedlogu izmjena i dopuna zakona te od vas zahtjevamo da i navedene dokumente tretirate u skladu sa Ustavom Tuzlanskog kantona kao i drugim zakonskim i podzakonskim aktima.

Predstavnici Građanskog pokreta „Buđenje“ (Karton revolucija) i potpisani građani Tuzle, Živinica i Banovića od Skupštine Tuzlanskog kantona zahtjevaju sljedeće izmjene i dopune zakona:

Iz člana 13. stavka „a“ Zakona o proglašenju dijela područja planine Konjuh zaštićenim pejzažom „Konjuh“ se briše dio „osim sječe u skladu sa šumsko privrednom osnovom“ i umjesto njega se upisuje sljedeće: „osim sanitarne sječe“ tako da član 13 sada glasi:

“U drugoj zaštićenoj zoni (zoni B) mjere zaštite obuhvataju očuvanje, unapređenje i zaštitu izvornog stanja, a odnose se na

a) zabranu sječe šume, osim sanitarne sječe

b) zabranu lova i ribolova ako su u suprotnosti sa Zakonom i donešenim planovima - lovnoprivredna osnova, ribolovna osnova i dr,

c) zabranu sakupljanja ljekovitih biljaka osim sa odobrenjem i pod nadzorom Javne ustanove Zaštićeni pejzaž „Konjuh“ (u daljem tekstu:

Upravitelj),

- d) zabranu prikupljanja primjeraka divlje flore i faune,
- e) zabranu unošenja invazivnih vrsta,
- f) zabranu saobraćaja putničkim vozilima osim iz člana 17. stav 1. tačka g),
- g) zabranu izgradnje u zonama postojećih vrela,
- h) zabranu svih ostalih aktivnosti koje mogu remetiti namjenu zone.

U članu 17. Zakona o proglašenju dijela područja planine Konjuh zaštićenim pejzažom „Konjuh“ stavka „a“ se mijenja i umjesto dosadašnjeg: „sječa u skladu sa šumskoprivrednom osnovom, koju vrše kantonalno šumsko-privredno društvo i vlasnici privatnih šuma u skladu sa važećim propisima i Planom upravljanja“ sada glasi: „sječa stabala uzgojno-sanitarnog karaktera u cilju očuvanja i unapređenja zdravstvenog stanja sastojina, koju vrše kantonalno šumsko-privredno društvo i vlasnici privatnih šuma u skladu sa važećim propisima i Planom upravljanja“ tako da član 17. Zakona o proglašenju dijela područja planine Konjuh zaštićenim pejzažom „Konjuh“ sada glasi:

(Dozvoljene aktivnosti u drugoj zaštićenoj zoni)

(1) U drugoj zaštićenoj zoni (zoni B) dozvoljene aktivnosti su: a sječa stabala uzgojno-sanitarnog karaktera u cilju očuvanja i unapređenja zdravstvenog stanja sastojina, koju vrše kantonalno šumsko-privredno društvo i vlasnici privatnih šuma u skladu sa važećim propisima i Planom upravljanja“

- b) ekstenzivno pašarenje,
- c) košenje,
- d) edukacija i istraživanje,
- e) izgradnja edukacionih centara,
- f) fizička i duhovna rekreacija,
- g) saobraćaj motornim vozilima koja su u funkciji upravljanja zaštićenim područjem, gospodarenja šumama i vozilima za potrebe privatnih posjednika,
- h) izgradnja nove i održavanje postojeće saobraćajne infrastrukture,
- i) izgradnja turističke infrastrukture koja mora biti ambijentalno uklopljena.

(2) Za dozvoljene aktivnosti iz stava (1) ovog člana potrebno je pribaviti saglasnosti i dozvole u skladu sa zakonom.

U nastavku vam detaljno pojašnjavamo razloge za pokretanje građanske inicijative kao i društveni značaj same inicijative. Također, ukoliko bude postojala mogućnost spremni smo uživo kao formalni podnosioci inicijative na samoj sjednici Skupštine ili Vlade Tuzlanskog kantona o istoj upoznati sve relevantne faktore.

Obrazloženje:

U cilju zaštite neprocjenjive prirodne raznolikosti planine Konjuh početkom 21. stoljeća započete su aktivnosti u cilju očuvanja najvažnijeg ekosistema na Tuzlanskom kantonu, regiji koja je desetljećima teško industrijski eksploatisana (rudnici, hemijska industrija, termoelektrane...) i u kojoj planina Konjuh predstavlja vitalni prirodni resurs. Ministarstvo prostornog uređenja i zaštite okolice Tuzlanskog kantona u saradnji sa strukom je još **2004. godine** pokrenulo proceduru zaštite prostora planine Konjuh što je rezultiralo kreiranjem i usvajanjem **Elaborata o proglašenju dijela planine Konjuh spomenikom prirode Konjuh**. Još tada (2004. godina) je utvrđeno da uslijed nekontrolisane eksploatacije i neplanskih zahvata u prirodi Konjuhu prijeti nepovratan degradacijski proces. Na temelju Elaborata Vlada Tuzlanskog kantona opredijelila se za spomenik prirode, kao oblik zaštite područja planine Konjuh. Krajem 2004. godine Kantonalna skupština je usvojila Nacrt zakona o proglašenju dijela područja planine Konjuh Spomenikom prirode "Konjuh". **Još tada se činilo da će planina Konjuh zaista postati zaštićeni prostor ali ipak na kraju se to nikada suštinski nije dogodilo.**

Tokom javne rasprave za usvajanje konačnog teksta Zakona kojim se Konjuh proglašava spomenikom prirode primjedbe i neslaganje sa predloženim rješenjima tog nacrtu su uputile JP „Šume“ Tuzlanskog kantona i Ministarstvo poljoprivrede, vodoprivrede i šumarstva da bi na kraju nacrt Zakona o proglašenju dijela planine Konjuh spomenikom prirode protivno volji struke, protivno izrađenom elaboratu bio povučen iz Skupštinske procedure bez ikakvog razloga.

Nakon što 2004. godine pored nastojanja struke, institucija i svih relevantnih faktora Konjuh nije proglašen Spomenikom prirode navedena tema ponovo dolazi u fokus javnosti i na dnevni red donosioca odluka iduće 2005. godine kada se razmatrao i usvajao Prostorni plan Tuzlanskog kantona za period 2005.-2025. U prostornom planu na osnovu ranije usvojenog elaborata kao i mišljenja struke dio planine Konjuh se tretirao Spomenikom prirode da bi tokom rasprave za usvajanje prostornog plana a protivno elaboratu usvojen niži stepen zaštite odnosno Zaštićeni pejzaž Konjuh. Nakon usvajanja Prostornog plana Tuzlanskog kantona resorsno ministarstvo je započelo sa aktivnostima na pripremi Zakona o proglašenju dijela planine Konjuh zaštićenim područjem.

Naprijed navedeno potvrđuje da već u startu nisu ispoštovani izrađeni naučni elaborati, kao ni mišljenje struke da Konjuh bude proglašen spomenikom prirode nego je dijelu planine dodijeljen najniži nivo zaštite zbog potrebe usvajanja prostornog plana i pritisaka iza kulisa a ne kako bi se sačuvao najvažniji ekosistem Tuzlanskog kantona.

Prilikom izrade Nacrta Zakona o proglašenju dijela planine Konjuh zaštićenim pejzažom ponovne primjedbe su date od JP „Šume TK-a“ a odnosile su se na površine Zaštićenog pejzaža kao i činjenicu da će istim upravljati nova JU ZP „Konjuh“ a ne „Šume TK-a“.

Zakon je ponovo došao u poziciju da zbog pritisaka ne bude usvojen ali je ipak uz velike izmjene i prilagođavanja u odnosu na prvobitnu suštinu 2009. godine usvojen i dio planine

Konjuh je proglašen zaštićenim područjem a što je dovelo da činjenice da nije ispoštovana suština odnosno da praktično planina Konjuh nikada nije ni bila suštinski zaštićena što potvrđuju sljedeće činjenice:

- Zaštićeni pejzaž „Konjuh“ je podijeljen u zone A, B i C. Prilikom kreiranja nacrtu zakona trebalo je biti precizirano da je u zonama A i B koje čine 95% prostora Zaštićenog pejzaža Konjuh dozvoljena samo sanitarna sječa. Ipak prilikom usvajanja Zakona u zoni B koja čini više od 70% prostora Zaštićenog pejzaža Konjuh riječ „sanitarna sječa“ je obrisana i umjesto nje ubačeno „sječa u skladu sa šumsko privrednom osnovom“ što je de facto i de iure dovelo do toga da kada je u pitanju sječa drveta i eksploatacija prirodnih resursa planina Konjuh ni u kojem dijelu nije zaštićeno, odnosno tretirana je i tretira se i danas u ovom segmentu identično kao bilo koja druga šuma na Tuzlanskom kantonu.
- Sječa šume se vrši na osnovu šumsko privredne osnove koja se kreira na deset godina a u čijoj izradi niti davanju odobrenja nisu učestvovala općine koje gravitiraju prostoru Konjuha kao ni sama Javna ustanova „Zaštićeni pejzaž Konjuh“ što je dovelo do situacije da prirodne resurse sa prostora zaštićenog pejzaža kojim gazduje JU „Zaštićeni pejzaž“ eksploatiraju drugo javno preduzeće JP „Šume TK-a“ na osnovu dokumenta u čijoj izradi nije učestvovala javna ustanova koja ima primarni mandat upravljanja zaštićenim područjem.
- Zaštićeni pejzaž je najniža zona zaštite. Ni u jednom drugom slučaju u Bosni i Hercegovini kada su u pitanju zaštićeni pejzaži nije zabilježeno da se u Zoni B vrši šumsko privredna sječa šume. Jedino je to slučaj na planini Konjuh.
- Nadzornici koji rade kao uposlenici Javne ustanove ZP „Konjuh“ nemaju odgovarajuće resurse i opremu za najkvalitetniji nadzor prostora. Pored toga nemaju nikakve ovlasti za izdavanje kazni niti bilo kojih drugih mjera za prekršiioce Zakona. Javna ustanova ZP „Konjuh“ nema ni vlastitu zgradu a zaposlen je manji broj radnika nego što je potrebno. Iako su javna ustanova kojoj Vlada Tuzlanskog kantona mora osigurati sredstva za nesmetan rad a ne javno preduzeće uposlenici ZP „Konjuh“ su primorani na rampi naplaćivati ulaz na prostor ZP „Konjuh“ što uz nedostatak dovoljnog broja uposlenika direktno utiče na veliki manjak ljudi na terenu odnosno u aktivnostima zaštite i nadzora Konjuha.
- JU ZP „Konjuh“ ne raspolaže sa dovoljnim brojem kamera kao ni drugim resursima kojima bi se olakšano i sistemski moglo pratiti stanje na terenu unutar zona zaštite.
- Nikada se nije uspostavio sistemski video nadzor na izlaznim punktovima iz ZP „Konjuh“ putem kojeg bi se kontrolisao izvoz sirovina. Nakon završetka radnog vremena sve rampe na punktovima ostaju otvorene što omogućava potpuno slobodno kretanje vozila i ljudi bez ikakvog nadzora.

Sve navedeno ali i brojni drugi dokazi koje ovim putem nećemo navoditi su doveli do činjenice da je čitav sistem ustvari u potpunosti prilagođen „ozakonjenim koruptivnim

G.P. Buđenje Tuzla
Ulica Džafer mahala br. 57 75000 Tuzla
Kontakt e-mail: kartonrevolucija@gmail.com
Kontakt telefon: 061/678-447; 061/944-339
ID Broj: 4210232130007
Žiro račun broj: 1321 0020 2309 9035 NLB Banka Tuzla



**KARTON
REVOLUCIJA**
BUĐENJE NOVE GENERACIJE

radnjama" nemilosrdnom iskorištavanju a ne zaštiti najvažnijeg ekosistema na Tuzlanskom kantonu.

Ovim putem vas pozivamo da bez politikanstva i opstrukcija, časno, odgovorno i hrabro kao izabrani predstavnici naroda djelujete u cilju zaštite naroda ali i budućih pokoljenja na prostoru Sjeveroistočne Bosne. Izmjenama Zakona osiguravamo da Konjuh zaista postane zaštićen kako bi u budućnosti svi zajedno mogli nastaviti graditi sistem koji će još kvalitetnije i na sistemski način učiniti da zaštićeni prostor bude zaista zaštićen u pravom smislu te riječi.

Također još jednom napominjemo da je problem od ogromnog društvenog značaja i kao takav je prepoznat i od strane građana i građanki Tuzlanskog kantona koji će pažljivo u narednom periodu pratiti razvoj same inicijative. U prilog navedenom ide i činjenica da je samo informacija o podnošenju inicijative koja je plasirana putem društvene mreže Facebook i profila Karton revolucija ostvarila angažman od oko 100.000 pregleda zainteresovanih građana kao i 2.500 svidanja.

Sama inicijativa je podržana i od strane općinskih i gradskih vijećnika u Banovićima, Tuzli i Živinicama.

S poštovanjem,

